

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Menippus sive dialogorum satyricorum centuria
inanitatum nostrativum speculum**

Andreä, Johann Valentin

Cosmopoli [i.e. Straßburg], 1618

79. Nova Reperta

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

nibus prognosticis, genituris, eabalæ, sigillis numeris mysticis anxie tribuitur, quibus ego red-ditos annos velim pessimè hætenus transmis-sos, at poenitentia posthac, pudore & seriis labo-ribus transigendos. *B.* Nihil te pèrennis mobi-lis fabricatorum miseret? *A.* Nescio quàm co-natus ille displicere mihi non potest, si vanitas & temeritas (artificibus valde propriæ) absint, at e-go si tales omnes emendatos velim, quantus fiet catalogus? *B.* Saltem Mulieres non omitten-dæ erant, quibus tempus omne corporis cultu interit. *A.* Potius uniuersum genus humanum deploremus, quod in tanta temporis penuria, & vitæ breuitate, plæraque dat fabulis, nugis, va-nitati, minimum sibi, nihil prope Deo.

79. NOVA REPERTA.

A. O Seculum eruditum! *B.* O seculum impiu!
A. O seculum ingeniosum! *B.* O seculum
vanum! *A.* Culpare desine. *B.* Laudare cave.
A. Cogit veritas. *B.* Prohibet pietas. *A.* Artes
prestant. *B.* Peccata clamant. *A.* Ingenia assur-
gunt. *B.* Religio deprimitur. *A.* Evangelium
viget. *B.* Christus expellitur. *A.* Politia floret.
B. Boni gemunt. *A.* Desine, & ad æquam secu-
lorum comparationem mecum descende. *B.* Quo
evidentius huius nostri infœlicitas appareat? *A.*
Anne tibi nominabo, quæ huius sæculi egregia
reperita sint? *B.* Ut lubet. *A.* Non novum or-
bem nominabo, magna veterum infamia inco-
gnitum,

gnitum, indeque auctam medicinam, reformata-
 tam astronomiam, animalium & terræ nascen-
 tium numerum amplificatum, nec Alchimie ve-
 noris subtilitatem, in Naturæ examen & anatomi-
 am natam: pixidem tantum nauticam, unum
 Maritimæ itineris indicem; typographiam
 literarum matrem & nutriciam, bombardas or-
 bis subiugatrices, lovis æmulas, horologia tem-
 poris comites, cœlique repræsentationes; Con-
 spicilia stellarum & remotissimarum rerum pro-
 dutores; moletrinas magni laboris compendia;
 texta serica elegantia plena; præter numerorum
 subtilitates, & quotidiana alia vitæ commoda
 atque subsidia. *B.* Vñam vero ea omnia non
 infinita nobis mala intulissent, non strages ho-
 minum undique edidissent! Novus orbis etiam
 num sanguine innocuo madet; Chymia paucis
 propitia, multis capitalis est; mare & mala trans-
 mittit, & humana corpora magno numero de-
 palcit; literæ universum orbem obtenebrant,
 confundunt, distrahunt; bombardæ infernale
 quid sunt, & in perniciem humanam destinatæ:
 horologia cum temporis admonere debebant,
 oscitantes nos sistunt; conspicienda nescio quos
 novos stellarum incolas minitantur; machinæ
 homines laboris socios deposcunt; bombyces
 plane erubescendæ vanitati serviunt; de aliarum
 rerû vilitate quid attinet dicere? scilicet hæc cū-
 cta nos ne tantillo quidē beatiore fecerunt, aut
 Deo propinquiores, nisi credis etiā Deum ipsum
 his nostris ineptis delectari. *A.* Nobis secula con-
 ferenda sunt, nō Dei de his iudiciū inquirendū.

B. Noli hæc cum antiquis operibus, structuris, machinis, militia conferre, quorum vestigia & ruinas jam obstupescimus, nunquam imitabimur, Lipsij sententiâ. *A.* At nobis renata ac prope reperta Religio instar omnium esto *B.* Hoc novæ inventioni deest, quod cum infiniti religionem profiteamur, pauci eam observemus, audiamus, exprimamus: unde metuendum, ne dū patres nostros Evangelium reperisse gloriamur, Paganismus nobis irreat, & ad posteros nostros transmittamus, ut est in proverbio, pro thesauro carbones.

80. PERSPICILIA.

A. **H**em speculatorem. *B.* Imò proditorem si volueris. *B.* Quid superna scrutaris, cum inferiora nescias. *B.* Certè quia inferiora displicent, superiora consulo. *A.* Si quidem per tubulum prospicere, consulere est. *B.* Nescis nempe quid Galilæus de Galilæis nobis aperuerit cum astricolis commercii. *A.* Gratulor postquam oculis illucitis atque reditis. *B.* Atqui huic viro olim posteritas tantum non aram sacrabit, tanti ingenii munimentum, qui uno proportionum instrumento, universam penè geometriam compendiosissimè exhibuit. *A.* Nimum tu his hominibus propitius es. *B.* Quia illi soli ingenio uti videntur, reliqui aut abuti, aut non uti: & tamen horum unus nescio an incogitanter, an intemperanter magis me impetiit, quid verò me hic impedis? *A.* Haudquaquã, oratū tantum veni, ut quod habeo nuncii, ad Lunaticos oculis defer-